



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Anthologia Sacra**

Ex Probatissimis Vtrivsqve Linguæ patribus collecta, atque Octastichis  
versibus comprehensa

**Billy, Jacques de**

**Parisiis, M.D.LXXV.**

A mundo iam caduco abducendum amorem esse. 13.

[urn:nbn:de:hbz:466:1-50828](https://nbn-resolving.org/urn:nbn:de:hbz:466:1-50828)

S A C R A

*Cernemus Triadis tempus in omne diem.*

---

S C H O L I A.

*Infantem tumida*) D. Ioannes

*Paran.*  
*1. ad*  
*Theod.*  
*Capf.*

Chrysoftomus huiusce vite calamitates secum reputas, adeoque densas tenebras, ut etiam perspicacissimi quique non nisi per speculum & in ænigmate videantur homines infantibus materna aluo adhuc inclusis non ineptè comparat. Nunc, inquit, quemadmodum in utero puellus, sic in mundo vivimus multis interclusi augustiis, venturique seculi neque fulgorem neque claritatem valentes intueri. &c.

A mundo iam caduco abducendum amorem esse.

13.

---

**D***iffuge munde senex, tam foede et sordide, vix iam  
Fallere qua possis, ars sit ut vlla tibi.  
Nec mirum invenem multis placuisse: seniles*

*Nunc iam ruga genas inficit ito procul.*

*Quàm sunt laudandi, qui te florente iuventa  
Spreuere, et luxus, deliciasque tuas:*

*Tam sunt in vitio, qui nunc in fata ruentem,  
Atque omni vacuum prosperitate colunt.*

SCHOLIA

Mundus, inquit Augustinus, *Epist. 45.*  
tanta rerum labe contritus est, ut *ad Ar-*  
etiam speciem seductionis ami- *mentar.*  
ferit. Nam quantum illi laudandi  
atque prædicandi sunt, qui dignati  
non sunt etiam cum mundo flo-  
rente florere, tantum increpandi  
& accusandi sunt, quos perire cum  
pereunte delectat. Et rursus alio *Serm.*  
loco: Si finis mundi est, migran- *245. de*  
dum est de hoc mundo, non amā- *temp.*  
dus est mundus. Ecce turbatur  
mūdus, & amatur mūdus. Quid  
si tranquillus esset? Formiso quo-  
modo hæreris, qui sic amplecte-  
ris fœdum? Flores eius quomodo  
colligeres, qui à spinis non reuo-

## S A C R A

Serm. 29.  
de verb.  
Dom.

cas manū? Nō vis relinquere mū-  
dū: relinquit te mūdus, & seque-  
ris mundū. Ac rurs⁹ alibi mundū  
ita alloquitur: O mūde immūde,  
quid strepis? quid auertere cona-  
ris? tenere vis pariēs: qd faceres,  
si maneres? quē nō deciperes dul-  
cis, si amarus alimenta mentiris?

45. epist.

*Quam sunt laudandi*) Hæc ex ea e-  
pist. Augustini, quā modo citaui-  
mus, sumpta sunt. Et sanè quid  
tam preposterum, quàm, cum tot  
pij homines mundi amorem, etiā  
cūm lætissima quadam facie om-  
nibus arrideret, dulcissimisque  
illecebris plenus esset, ex animo  
suo prorsus eiecerint, nos contra  
ita ei addictos affixosq; esse, vt ne  
tot quidem scandalis & calami-  
tatibus, quibus vndique scater,

Lib 1. de  
ciuit. deo  
cap 33.

ab eo dimoueri possimus? Scipio  
Nasica, cum urbem Romanā lu-  
xu perditam ac profligatam cer-

neret, illud dicere solebat, Stant  
 mœnia, ruunt mores. Nos verò  
 vtrūque dicere possumus, ruunt  
 mœnia, ruunt mores: vel, quod  
 grauiter scribit hieronymus, Or- *Epist. ad*  
 bis terrarum ruit, & vitia in no- *Gaudēt.*  
 bis non ruunt. Vnde etiam Cy-  
 prianus ab imminente mundi  
 exitio Demetrianum ad æternæ  
 vitæ studium hortatur. Mundus,  
 inquit, iam loquitur, & occasum  
 sui rerum labentium probatione  
 testatur. Et Chrysostomus id me- *Chryf. de*  
 ritò queritur, nemini in mētem *vanit. et*  
 venire, quòd hæc mundana bre- *brenit.*  
 ui ruitura sint, cum tamen res ip- *vita.*  
 sæ quotidie hoc clamēt. Húcque *epist. 136*  
 spectat elegans illa Augustini si-  
 militudo, in epist. ad Cler. & pop.  
 Hippon. Sicut ad loca munitiora  
 festinantius migrant, qui ruinam  
 domus vident contritis parieti-  
 bus imminere: sic corda Chri-

## S A C R A

stiana, quanto magis sentiunt mundi huius ruinam crebrescentibus tribulationibus propinquare, tanto magis debent bona, quæ in terra recondere disponebant, in thesaurum cœlestem impigra celeritate transferre. Et si aliquis humanus casus acciderit, gaudeat qui de loco ruinoso emigravit. Si autem nihil tale fuerit subsecutum, non contristetur, qui quandoque moriturus, immortalis Domino, ad quem venturus est, bona propria commendavit.

*Tam sunt in vitio* ) D. Gregorius hom. 18. in Ezechielem, postquã sui temporis calamitates fusissime descripsit, his verbis utitur: Quid est ergo quod in hac vita libeat, fratres mei? Si & talem mundum adhuc diligimus, non iam gaudia, sed vulnera amamus. Et

paulo post: Despiciamus ergo ex  
toto animo hoc præsens seculum  
vel extinctum. Finiamus mundi  
desideria, saltem cum mūdi fine.

*Lib. 3. ca.  
vlt.*

Ac rursus in eandem sententiam  
in dialogis suis ad hunc modum  
loquitur. Despiciendus à nobis  
hic mundus fuerat, etiamsi blan-  
diretur, si rebus prosperis de-  
mulceret animum. At postquam  
tot flagellis premitur, tanta ad-  
uersitate fatigatur, tot nobis  
quotidie dolores ingeminat, quid  
nobis aliud quàm ne diligatur  
clamate? Verùm in Homiliis suis  
in euangelia dolentius adhuc ita  
loquitur: Sancti isti ad quorum  
tumbam consistimus, florentem  
mundum mentis despectu calca-  
uerunt. Erat vita longa, salus cō-  
tinua, opulentia in rebus, fœcun-  
ditas in propagine, tranquillitas  
in diuturna pace: & tamen cum

*Hom. 28*

## S A C R A

in seipso floreret, iam in eorum  
cordibus mundus aruerat. Ecce  
iam mundus in seipso aruit: &  
adhuc in cordibus nostris floret,  
Vbique mors, vbique luctus, v-  
bique desolatio, vndique percu-  
timur, vndique amaritudinibus  
replemur: & tamen cæca mente  
carnalis concupiscētiae ipsas eius  
amaritudines amamus. Fugientē  
sequimur, labenti inhæremus. Et  
quia labentem retinere non pos-  
sumus, cum ipso labimur, quem  
cadentem tenemus. Aliquando  
nos mundus delectatione retra-  
xit à deo. Nunc tantis plagis ple-  
nus est, vt ipse nos iam mundus  
mittat ad Deum.

Contemptum Dei in causa  
esse, cur carni animus  
minimè imperet.